

۱۳۴۰

اتبعون اهدكم سبيل الرشاد

صاحب و مدیر مسئول : ع . اشرف ادیب

زوحلری می مسحور براقان عشق لاهوتی ایله یالکنز دنیای دکل،
نعم جنائی بیله اونوتمشله و سرمست غرام اوله رق یشامقله ذوقیاب
اولشلردر. مالی (سمنون محب) اسناد ایدیلن شو قطعه نه کوزلدنر:

کر کند جای بدل عشق جمال اژاک چشم امید بحوران بهشتی نهمی
کی مسلم شونت عشق جمال ازلی تاب آفاق همه تهمت زشتی نهمی

اکا بر اولیادن (حصری) دیورکه: (الصوفی، هوالذی لایوجد
بعد عدمه ولا یعدم بعد وجوده) یعنی صوفی حقیقی، ریاضت و مجاهده
ایله علائق مادیه دن تجرد ایدرک فانی اولنجه بردها اولکی حاله عودت
ایتمه یں و بویولده مراحل معینه یی کچهرک کندنده بقا بعد الفنا سیری تجلی
ایتدکدن صوکرده بردها فنا پذیر اولمیان ذاتدر. مولانا جامی شورباغی
ایله حصرینک بوسوزنی پک پارلاق بر صورتده تصویر ایشلدن:

خوش آنکه چون نیست شد ازین نقش مجاز دیگر بوجود خویشی ناید باز
زان پس چو وجود یافت زان مایه ناز جاوید برو در عدم کشت فراز
ارباب تصوف مسلکدرنده غایه مقصوده وصول ایچون باشلیجه
ایکی اصول تعقیب ایشلدنر: بمضیلری مؤثر دن اثره استدلال، یعنی
(طریق لمی) یی و بمضیلریده اثر دن مؤثره انتقال، یعنی (طریق
انی) یی ترجیح ایشلدنر.

مؤثر دن اثره انتقال اصولی پک آرز فی در. ساعات حیاتی وجد
وعزله حصر ایتک صورتیه غایه تکامله واصل اولق ایستهمک،
هر شئی و حتی کندینی بیله نابود منزله سنه ایندیره رک استغراق کای
ایچنده انحلال ایدوب کیتیمک اشراقیتک (panthéisme) نوشین
وعطالت آمیز خیالاتنه تقرب ایتک دیمک اولورکه بواسطه فنی
متودلرله طبیعی بر خط اشتراکی اوله من.

بو طریقک افراط و سوء تفسیرندن استفاده ایتک ایستیانلر طرفدن؛
عرفان و حکمتک قوای ناظمه سندن محروم اولان دماغلرده ایقاع
ایدیلن تحریبات مادیه و معنویه؛ پک آجیقلی حالاته سببیت و یرمش
و یرمکده بولمشلردر.

مسلم انلری تحریب ایدن مسکنت و عطالت مرضلرینک منبع
انتشاری، ماضینک چورومش و کمیراش انقاض متبقیه سی قوو و قورنده
مستقبله انتقال ایدن بوکی سوء تفسیر و افراطدن متولد بزور اتدن
باشقه برشی دکلدنر. خلقک عطالت وجهالتندن استفاده یی یلته ن
طفیلیر، افراد امتک تعالی افکارینه خدمت ایدم جککری یرده؛
بو طریق سوء تفسیر ایدرک؛ فطرت موجود اولان جرثومه ذکاتک
عدم انکشافه و بلکه بسبتون سونوب محو اولسنه سببیت و یرمشلردنر.
پیر محترم جنید بغدادینک دیدیکی کبی علم و عرفانه ترین ایتماش
اولان و حکمت قرآنیه دن بی بهره بولنان ارشاد مدعیلرینک سوق
ایدم جککری طریق غیای سفالت و فلا کتدن باشقه نه اوله بیلور؟!

اسماعیلیر، خرویلیر، باطنیلر..... کبی غلاتک مسلک تصوفه
استاداً اورتایه آتدق لری خرافه لر، اطرافه صاحب دقلری زهر لر ابتدائی
دماغلرده پک مساعد بر زمین تخریب بوله بیلمشلردنر؟

اکلاشیایدینی اوزره آلتنجی سنه سی مشرکینک احضار و مانعیه یاریده
قالان عمره نک قضاسی اولیور؛ یا خود قضا اولیه رق یکی باشند بر عمره
دیمکدر. ایکنجی احتمال کوره «عمره القضا» تعیرنده اولان «قضا» کله سی
مصالحه معناسنی افاده ایدن «مقاضاة» کله سنک مجردی اولوب «قضی قضی» نک
مأخذ اشتقاقی و ادا مقابلی قضادن عبارت اولماز؛ بلکه حدیده مصالحه سنک
برکتندن اوله رق ایفا ایدلمش مستقل بر عمره اولور. عبدالله بن
عمر رضی الله عنهما دخی بو جهتی ترجیح ایدرک: «لم تکن هذه
العمره قضا ولكن كان شرطاً على المسلمين ان يعتمروا في الشهر الذي
حاصرهم فيه المشركون» دیور.

ایشته بو نقطه نظر دن اوله حق که بو عمره یی «عمره القضا» نامی
دخی و یریشدر. فصلکه ابن عباس رضی الله عنهما «الشهر الحرام
بالشهر الحرام والحرمات قصاص...» آیت کریمه سنک یدنجی سنه
هجریه عمره سی اثنا سنده نازل اولدینی روایت ایدیور. مع فافیه
عمره القضا تعیری حقنده اولان بوتون بوتویل و شاهدلرک صحتی،
یدنجی سنه عمره سی، آلتنجی سنه سی احضار سببیه فوت ایدن
عمره نک قضاسی اولق احتمالی رفع ایدم من. بو حال دن عمره نک دخی
سائر قربات و نوافل کبی، شروع سببیه وجوبنه قائل اولانلرک
سوز سولسی ایچون ده میدان مساعد دیمکدر. آنلر عمره القضا صک احضار
سببیه فوت اولان حجک قضاسی اولدینی پک اعلا ادعا ایدم بیلیرلر.
شوقدز که بونک ایچون، بو عمره نک آدی «عمره القضا» اولمقدن
قطع النظر ایله، بر دلیل تحری ایتک مجبوری یوز کوستیر.

حلیم ثابت

فلسفه

اسلامده فن و فلسفه

۱۸۹ دن مابعد

غزالی رفصوف. — تصوف اسلامی وحدت وجود مسلکینک
دنکین سئو حاتیه پیرایه دارد. مولانا جامی نک:

زین پیش برن زخویش پنداشتت در غایت سیر خود کان داشتت
اکنون که ترا یاقم دامن کاندن قدم نخست بکداشتت
قطعه سنده نه قدر علوی بر سانحه مند مجدر.

متصوفین اسلامیه هامون بلایای دولاشه رق حریم وصلته ایریشمک
ایچون تزکیه نفس طریقیه قافی الله مرتبه سنه حقیقه چالیشمشلر
ونوای فرقت و تظلملرینی:

بهر تو برو بحر بیستافه ام هامون یریده کوه بشکافته ام
وزهر چه رسید پیش رو تافته ام تاره بحریم وصل تو یافته ام

کبی سانحه لرله افشا ایشلدنر.

باشدن باشه او یوشمش بر اقلیم تار مار دن باشقه بر منظره عرض ایتیمان جهان اسلامک عوامل انقراض وسفالتدن اک مهمی مرض عطالت ونادانی در. بو کون مستولی و مزمن بر دوریه کیرمش اولان بو خسته لغت اسباب انتشاری آره سنده و قتیله صاحبلمش بوکی سمناک فکر لری ده تعداد ایتک ایجاب ایدر. غزالی متصوف کینن و فقط تصوفدن بی خبر بولنان کیمسه لرله ده خیلی چارشمش، تصوف اسلامی بی اثر دن مؤثره استدلال اساسی اوزرینه ابتنا ایتکه چالشمشدر. غزالی، اثر دن مؤثره استدلال اصولی (من عرف نفسه فقد عرف ربه) حکمتدن استخراج ایشدر. تجربه و تتبع اوزرینه مستند اولان بواصول، دها چوق فنی و دها چوق منطقی در.

حضرت علی به اسناد ایدیلن :

و تزعجک جرم صغیر وفیک الطوی العالم الاکبر
فلا حاجة لک من خارج وفکرک فیک وما تفکر

قطعه سندن مشارالیهکده اثر دن مؤثره انتقال اصولی ترجیح وتوصیه ایتدیکی اکلاشیلیور .

جناب حیدرک سانحات فکریه سندن مقتبس اولان مأل، جلال الدین رومینک شو قطعه سیله ده تأیید ایدلمکده در :

ای نسخه اسرار الهی که تویی وی آینه جمال شاهی که تویی
بیرون ز تو نیست هر چه در عالم هست از خود بطلب هر آنچه خواهی که تویی

غزالی تصوف اسلامی به ایکی صورتله خدمت ایشدر : اولاً ، ارباب تصوفه قارشی توجیه ایدلمکده اولان سهام طعن وشبهه بی بر طرف ایدرک تصوف اسلامی نک کتاب و سنتدن مستخرج اولدیغی و باب شریعتدن کیرلمکده شکوفه زار حقیقته وصول ممکن اوله میه جغنی کو سترمش ، نانیماً متصوفیندن کینن و فقط احکام عالیه شرعیه دن بی خبر بولنان بر طاقم جهلانک ، عنعنات اشراقیه ایله دماغلری مشبوع بر حاله کش اولان توریدیلرک تصوف نامنه اورته یه آتدقلری طامات و شطحیاتک ردیله اوغراشمش و حقیقه تصوفی قابلامش اولان مضر فیلزلری، زهرلی یوصونلری سوکوب حیقارمغه چالشمشدر .

پایه کاللری :

لله تحت قباب العز طائفة . اخفا هموا فی رداء العز اجلالا
هم السلاطین فی اطمار مسکنة . جروا علی فلك الحضراء اذیالا
غیر ملاسهم شم معاطسهم . استعبدوا من ملوک الارض اقبالا

یتلریله تصویر ایدیلن اعظم متصوفین ، عقیده ، اخلاق و اعمال وسیرت خصوصنده جناب رسالتپناه حضرت تیرینه متابعت ایدرک درجه درجه قطع مراحل ایله پایه حقیقته تعالی ایشدردر .

بو محترم ذاتلر شریعت احمدیه بی التزام و دقایق سنت نبویه به اهتمام سایه سنده بحر توحید و عرفانده لجء وجد و استغراقه ایریشه رک اسرار ربانیه و نفحات سبحانیه ایله لبریز کالات اولمشدردر .

جنید بغدادی : « اثر رسالته اقتفا ایتیلره بارگاه ربوبیته موصل

اولان یولار قبالی قالیر . قرآن واحادیثله تنور ایتامش اولانلر طریق تصوفده مقتدابه اوله منزلر « دییور .

اسلاف کرامک مسسکک تصوفی نه صورتله تلقی و تعقیب ایتمش اولدقلری بوندن کوزل تصویر ایدرک بر افاده بولنه مز . پیر طریقت، بوسوزلریله خرقه پوش عظامت اولان جهلانک مقام ارشاده کیمه لری شویله طورسون بر خاقاهاک قابو جیسی سیله اوله میه جقلری اعلان ایشدر .

عیادتنه کیدن جنید بغدادی به :

کیف اشکو الی طیبی مای . والدی بی اصابی من طیبی

بیتیه مقابله ایتمش اولان اکا بر عرفادن (سری سقطی) دییورکه : « متصوف ، نور عرفان و معرفتی نور ورع و تقوانی اطفا ایتمین ، احکام شرعیه و ظاهر کتابه متناقض سوزلر صرفندن توقی ایدن، قطع مراتب ایتدکجه هتک محارمدن اجتنابه اولان غیرتی ده اولنسبتده آرتان والحاصل تقرب ایتدکجه خشیتی تزیاید ایدن کیمسه در . »

تصوف اسلامی ده اساس ، علم و تقوی ، استقامت و مکارم اخلاقیه ایله اتصافدن عبارتدر . کسوة اتقیایه بورونه رک کرامات فروشلق سوداسنده بولنانلر و افعال و سکناتلری شرع مینه توفیق ایتیانلر زمره اخیار میاننده دکل، شردمه اشرار آره سنده تغداد اولملیدرلر . مابعدی وار مدالی اعدادیسی مدیری

م . شمس الدین

اجتماعی

کنجیلرده ملیت حسی اولیور !

لوانتمیزم

هر ملتک آتی و استقبال امید کنجیلیدر . وطن و مملکت ترقی و تعالیسنی کنجیلرک حمیت و غیرتندن ، قوت و قدرتندن انتظار ایلر . چونکه کنجک ، حال دکل، آتیدر؛ کنجک خیال دکل، حقیقتدر؛ کنجک روحدر ، قوتدر . فقط بو ، حقیقت ، روح و قوت اولان کنجکک یارم بر حقیقت ، مریض بر روح ، ناقص بر قوت اوله می لازمدر . کنجککده بتون وضوحیله زندگی ، متانت تظاهر ایتلیدر . کنجیلریمزده بو زندگی و متانت موجودیمیدر ؛ زندگی و متانت هر ایکی قوته ده شاملدر . یعنی هم مادی، هم معنوی؛ جسمده ، روحده موجودیتی الزم قوت و شدت! بولر، آنجق ملی بر سحیه نک موجودیتیله حصول پذیر اوله ییلیر . حالبوکه کنجیلرده ملی سحیه بی هان هان کوره میورز . بوکاده اک برنجی سبب « له و انتیزم » در .

مملکتیمزده عصرلردن بری یرلشمش ، اجتماعیاتمیزک هر نقطه سنه صوقولمش ، تدریجی ، فقط مؤثر تخریسات ایقاع ایتمکده بولونمش برشی واردرکه اوده « له و انتیزم » در . له و انتیزم اوقدر اسکی بر تاریخه